

江都縣志卷之二十五

江都縣知縣

五格

重修

人物 隱逸

郭有道碑曰翔區外以舒翼超天衢以高峙杜牧之曰出可行於天下而未出始足稱處士夫如是以言隱逸當之者蓋其鮮矣士或期深好遠遺志於徵逐之場雖未能紹巢許之盛軌而自爾介居保此清妙所謂國爵屏貴者不亦有足多歟志隱逸

漢應曜漢初與四皓同被徵不至傳具鄉賢

江都縣志

卷之二十五

隱逸

一

三國劉頌精學家巷孫權徵之不就傳具鄉賢

晉韓績字興齊廣陵人少好文學以潛退為操布衣蔬食不交當世由是東土並宗敬焉司徒王導聞其名辟以為掾不就咸康末會稽內史孔愉上疏薦之詔以安車束帛徵拜博士稱老病不起卒於家

唐陳融諡貞晦先生傳具鄉賢

李孝感博學好古雅修彭聃之道與天台鍊師司馬子微為方外之交尤以篤慎著於州里考行議德諡曰正隱先生

宋孔旻隱居篤行終身不仕世稱其美節高行

王令字逢原年十歲晝從羣兒戲夜獨誦書往往達旦  
爲辭章雄偉老成家貧乃聚徒授業王安石赴召道由  
淮南見令大喜以其姨妻之安石嘗與書云始得君文  
獨愛君才旣而見君衣剝履缺語未嘗及君之貧終歲  
食不茹葷不以銖兩妄售於人世之自立如君者有幾  
後徙居江陰卒嘗著論語孟子解義及蒙求一卷廣陵  
集十卷

又劉發王先生傳曰先生聞一善言見一善行  
輒歎慕自以爲不逮事寡姊如事母教姊之孤  
兒不啻己子歲時祭祀於其考妣必流涕親識餽遺  
纖介無所受諸生有獻度其家貧禮雖甚勤不取也

元王貞字以道元末避地吳下張士誠以德清教諭授  
之堅辭不屈洪武初歸江都葺茅舍以居

江都縣志

卷之二十五

隱逸

二

明楊寅府學生永樂初召書令字旗高丈餘一揮稱旨  
賜金帛鞍馬命署泰州辭不拜後徵入京乃避地於晉

十年方回

舊志載寅詩洪武仁風萬國柔書生不厭敵  
貂裘半天雲氣不成雨滿目波光都是秋時

盛漫勞思共濟才疎焉敢望封侯放  
歌古調歸來晚江上無人月一鈞

成廷珪字原常本興化人隱居府城種竹萬竿因號曰  
居竹養母甚孝不求仕進其所與遊多至尊顯而未嘗  
有所干四方士過淮南者多歸之有長者之譽博學工  
詩著有居竹軒集

王醅字先民生而早慧讀書如夙識弱冠善辭賦陸無  
從李本甯交相引重意不屑也從季父遊長安日醉市

樓人求識而不可得會麻大將軍大閱將士先民輕裘  
快馬衝突演武場引弓破的矢矢相屬掣雙劍飛舞霎  
忽如崩雪大將軍降階執手欲舉以冠一軍先民笑謝  
家本書生聊用遊戲耳父母命之室以羸病辭爲兩弟  
納室徧遊吳越佳山水日參內典歸廣陵之慈雲菴顏  
其室曰寶藥樓自知時至結跏趺坐而終

張奇字正甫初學制舉入郡學久不屑意學詩畫皆極  
工家貧而傲日與郡之賢士大夫遊中年喜天官象數  
家言當萬厯季遂移家金陵及馬阮輩竊權寵附者如  
靡知處士名造焉不報閉門以老預尅死日自題其棺  
江都縣志

卷之二十五

隱逸

三

日飲白水四十餘日遂歿年七十有四  
顧鐸字覺斯幼孤事其叔至謹嗜讀書不屑屑於進取  
崇禎甲申聞流寇李自成犯闕憤懣號泣更日夕不止  
旋築廬江濱種梅數十株日吟詠其下終其身足不履  
戶外自號遺叟

國朝雷士俊字伯鰲先世涇陽人居江都之艾陵湖士俊幼

爲諸生後棄去專力於經史百家熟悉古今治亂得失  
之故辨別君子小人消長進退之機其爲文鉢心刺胃  
旣脫稿猶必琢磨再四始出以示人而貧老負氣悲憤  
得疾以卒所著有艾陵集文二十卷詩二卷祀郡學鄉

賢長洲尚書韓菼贊其像曰宏道其如命休論行與藏先生老被褐已升作者堂艾陵書一編窮理析寒芒一時來學者千里或裹糧而我生也晚不及弟子行俎豆側嘗聞幽微宜闡揚豈不符甲令忍獨私庚桑邗溝舊里居我來炷瓣香其推服如此

史以甲字子仁明按察副使啟元之子幼補郡諸生長乃絕意場屋隱居艾陵湖東之橋墅耕讀自怡足跡不入城市自天文地理以及方伎醫藥百氏之書無不究覽所輯文獻通考抄三十卷學圃隨筆十卷勾股籌算捷法二卷傷寒正宗七卷皆刊刻行世復廣吳淑事類

賦爲七十卷書成而歿子炤能述父業著有方輿槩十卷曾孫步高雍正丙午舉於鄉

葉彌廣字博之生賦異才臨文不假思索搦管卽書迅如泉湧以諸生高等貢入太學不樂仕進惟散服逍遙怡情詩酒康熙十二年纂修通志郡縣聘彌廣任其事咸稱得人一日雪滿庭階彌廣欣然浮白賦詩盤桓竟日忽訣家人曰吾逝矣遂卒年七十五彌廣同時有強惟良阮玉鉉皆高曠稱博學士林重之

宗元豫字子發潮州府判萬化子也萬化卒於潮元豫行萬里扶櫬歸而囊空如滌不能買地以葬乃疏食不

除服餘十年始得葬自是遂不求仕進惟肆力經史發  
爲文章具有根柢同郡王巖於人少許可而獨盛推元  
豫以爲脫畧凡近直造古人甯都魏禧嘗與往復辨論  
禮制亦歎其難及性廉介不與俗流欸曲雖敝衣糲食  
恒自憇也著史論數十篇皆前人所未發雜文數十卷  
又有識小錄若干卷紀廿一史中瑣事爲里人所傳  
蔣易字前民瓜洲人少補諸生卽棄去家故饒有洲田  
數十頃坍於江遂致窮餓意泊如也爲詩不取時好五  
言律尤勁健得少陵風格黃岡杜濬與友善甚稱之晚  
年無子家益窮賣畫自給人得其寫生一二筆爭以爲  
寶焉

江都縣志

卷之二十五

隱逸

五

王方岐字武徵明吏部納諫孫慈谿令玉藻子學問淹  
博詳覈執遺民之節不試有司隱晦自放於詩酒間通  
家世講官京師者重其才招之不應嘗與修揚州府志  
天文輿地水利賦稅之屬皆所手輯人服其精當焉事  
竣守令欲繼見不得也晚與耆碩十人者遊時稱之竹  
西十逸愛慕考繪圖傳其事所著有蒙齋文集十六卷  
詩八卷祛塵錄  
諸書仲子弼修字端士亦畏榮懷  
古士也

梁嘉稷字五檠前殉難萬安令于浹孫好讀書不干仕

進每遊覽山川以吟詠寄其胸抱所著滇南草世多傳  
誦之歸而隱約就閒有足蹈古人遐軌者焉